

►►► Dacia u BiH pokreće prodajnu akciju pod nazivom *Velika nagrada Dacije*. U ovoj ponudi, kupci mogu postati vlasnici vozila sa Dacia zalihe po izuzetno povoljnim cijenama i uz jednostavno i pristupačno Renault finansiranje. Sve što treba učiniti, jeste izabrati jedno od ponuđenih vozila, dostupnih kod ovlaštenih Dacia koncesionara. Iz ponude izdvaja se izuzetno popularni Dacia Sandero Ambiance, po pristupačnoj cijeni od 12.799 KM. Akcija će trajati sve do rasprodaje svih vozila sa zalihe.



►►► Vrijednost izvršenih građevinskih radova u januaru 2010. godine u odnosu na prosječnu vrijednost prošle godine u FBiH manja je za 41,6 posto, dok je u odnosu na isti mjesec prošle godine manja za 32,4 posto, podaci su Federalnog zavoda za statistiku. U januaru 2010. godine u FBiH ukupni izvršeni građevinski radovi iznose 35.328.000 KM, a od toga na objekte visokogradnje odnosi se 49,3 posto izvršenih radova, a na objekte niskogradnje 50,7 posto.



►►► Pored redovnih prodajnih akcija, brojnih sniženja, svakodnevnih prezentacija i promocija u Interexu su se potrudili da i u martu nagrade svoje kupce. Svaki kupac koji tokom jedne kupovine kupi tri posebno označena proizvoda može učestvovati u novoj nagradnoj igri Dom po svom. Javno izvlačenje dobitnika nagradne igre obaviti će se 3. aprila u svim objektima Interexa na području BiH, na način da će u svakom od 25 prodajnih objekata biti izvučen po jedan sretni dobitnik.

►►► Ambasada SAD u BiH objavila je uvođenje novog on-line elektronskog formulara za podnošenje zahtjeva za neuseljeničku vizu koji se koristi od 1. marta 2010. godine. Novi formular DS-160 objedinjuje sve postojeće formulare za vizu u jedinstveni interaktivni on-line/elektronski formular. Kako je potražnja za američkim vizama širom svijeta u stalnom porastu, Američka ambasada opredijelila se za korištenje novih tehnologija kako bi poboljšala efikasnost i preciznost u proceduri podnošenja zahtjeva za vizu.

